



BINHI NG WIKANG PAPURI

ni: FRANCIS NICOLAI P. CALIBARA

Alas saiz, inuusal ko na ang Dios Te Salve Maria

Mataimtim na naninikluhod nang mabigyang awa

Pakisusap ko nawa'y maintindihan at puspusin ng pagpapala

Sapagkat wika ko'y Filipino subalit panalangin ko'y wikang banyaga.

Gumayak na't naghanda sa panibagong pakikibaka

Sa iisang lahi iba't Ibang wika na naman ang makakasalamuha

May bigkas na dumuduyan sa hangin at ang iba'y maragsa

Basta't Filipino'y maunawaan ang agimat ay may bisa.

Di biro nga naman ang yumuko sa kamangmangan

Subalit nang magpunla'y may kasaganahang aasahan

Isang kuwentong maalamat ang pagsasaluhan

Mula sa wikang nakahapag sa musmos na kabataan.

Di biro ang magkuwento sa iba't Ibang diyalekto

Kaya't itong salaysay ko nawa'y magmarka sa iisang Filipino

Nang inyong mapagtantong di chismis ang alab ng kulturang antigo

Ito'y isinisiwalat ng pluma, binibigkas ng dila para sa siglo.

Editorial Team

Editor-in-Chief: Alvin B. Punongbayan

Associate Editor: Andro M. Bautista

Managing Editor: Raymart O. Basco

Web Editor: Nikko C. Panotes

Manuscript Editors / Reviewers:

Chin Wen Cong, Christopher DC. Francisco, Camille P. Alicaway, Pinky Jane A. Perez,
Mary Jane B. Custodio, Irene H. Andino, Mark-Jhon R. Prestoza, Ma. Rhoda E. Panganiban, Rjay C. Calaguas,
Mario A. Cudiamat, Jesson L. Hero, Albert Bulawat, Cris T. Zita, Allan M. Manaloto, Jerico N. Mendoza



Binhi ang ipinupunla at yaman ang inaani

Na sa bawat tagumpay may tagay na kumakandili

May piyestang maluwalhati at ngiting namimintakasi

Pinag-iisa ng katagang Mabuhay! wikang papuri.

Magpakabusog tayo nang lakas ay manalaytay

Bugas, kanon, kan-on, humay ay kanin din na tunay

Ipares pa sa adobo o kay sarap magkamay

Kahit sino'y isang tugon, lami, siram, sarap ayyayyay.

Po at opo ginintuang mahika na tatak Pilipino

Hindi Simbolo dahil noon at ngayon sa modernong siglo'y pagkatao

Repleksyon ng malayang respeto, pag-ibig at pagkatuto

Na parang kundiman at tula na siksik at may tamang tiyempo.

Mala-balagtasang diskusyon ang hiling ng panalangin tumugon

Upang sa harap ng salamin isang kultura ang hindi imahinasyon

Sapagkat ang wika ang kilos-gawa ng komunikasyon

Wikang may kuwentong ipinunla mula sa binhi ng panahon.

Editorial Team

Editor-in-Chief: Alvin B. Punongbayan

Associate Editor: Andro M. Bautista

Managing Editor: Raymart O. Basco

Web Editor: Nikko C. Panotes

Manuscript Editors / Reviewers:

Chin Wen Cong, Christopher DC. Francisco, Camille P. Alicaway, Pinky Jane A. Perez,
Mary Jane B. Custodio, Irene H. Andino, Mark-Jhon R. Prestoza, Ma. Rhoda E. Panganiban, Rjay C. Calaguas,
Mario A. Cudiamat, Jesson L. Hero, Albert Bulawat, Cris T. Zita, Allan M. Manaloto, Jerico N. Mendoza
